

Z A P I S N I K

sa 15. sjednice Predstavničkog doma Parlamentarne skupštine
Bosne i Hercegovine, održane 15. 12. i 29. 12. 1999. godine

Prvom dijelu 15. sjednice (15. decembra 1999. godine) prisustvovala su 35 poslanika, 23 iz Federacije BiH i 12 iz Republike Srpske. Izostanak sa sjednice opravdali su Ivo Mijačević i Safet Oručević. Odsustvovali su i poslanici Milenka Bošnjak, Ibrahim Spahić, Edhem Bičakčić i Abdurahman Malkić.

Sjednici su prisustvovali predstavnici Savjeta minsitar i predstavnici međunarodnih organizacija u Bosni i Hercegovini.

Prvom dijelu 15. sjednice predsjedavao je predsjedavajući Predstavničkog doma mr Mirko Banjac.

Predsjedavajući mr Mirko Banjac pročitao je prijedlog dnevnog reda koji je usaglašen na sjednici Kolegija sa predstavnicima poslaničkih klubova i poslanicima stranaka koje nemaju klubove poslanika.

U diskusiji povodom prijedloga dnevnog reda učestvovali su Sejfudin Tokić, Rasim Kadić, Nikola Špirić, Halid Genjac, Branko Dokić, Mirko Banjac, Haris Silajdžić, Miodrag Deretić, Zlatko Lagumdžija i Bogić Bogićević

Poslije diskusije poslanici su se izjasnili prvo o prijedlogu da se iz predloženog dnevnog reda skine Nacrt zakona o preuzimanju dužnosti člana Predsjedništva BiH u toku trajanja mandata.

Za ovaj prijedlog glasalo je 28 poslanika, a 6 je bilo uzdržanih. Prijedlog je, prema tome, usvojen.

Zatim je predsjedavajući dao na glasanje prijedlog dnevnog reda koji su na konsultativnom sastanku podržali svi prisutni predstavnici klubova poslanika i članovi Kolegija.

Za predložene tačke glasalo je 25 od 34 prisutna poslanika, a 9 poslanika se uzdržalo. Obavljeno je glasanje i po entitetima, pa je iz Federacije BiH glasalo 15, a iz Republike Srpske 12 poslanika. Prema tome, predloženi dnevni red je dobio i većinu prisutnih poslanika i entitetsku većinu.

Poslije usvajanja usaglašenog prijedloga dnevnog reda Dom se izjasnio pojedinačno o prijedlozima za dopunu dnevnog reda koje je, u ime Kluba poslanika SDP-a iznio poslanik Sejfudin Tokić.

Prvi prijedlog - Pokretanje inicijative za usklađivanje Ustava Bosne i Hercegovine sa Evropskom konvencijom o ljudskim pravima i osnovnim slobodama. Glasanje o ovom prijedlogu je, na zahtjev poslanika Tokića, obavljeno pojedinačno, prozivkom.

ZA prijedlog su glasali: Tarik Čaršimamović, Alma Čolo, Mediha Filipović, Halid Genjac, Adnan Jahić, Rasim Kadić, Mustafa Pamuk, Haris Silajdžić, Bogić Bogićević, Zlatko Lagumdžija, Suada Muminagić, Ivo Divković, Sejfudin Tokić, Ivo Lozančić, Smail Bećirbašić i Munira Karić.

PROTIV prijedloga glasali su: Raifa Alagić, Ana Havel, Ljubomir Zovko, Ivica Pašalić, Pero Skopljak, Anita Mikulić, Mirko Baković, Radenka Balta, Dragan Mirković, Miodrag Deretić, Branko Dokić, Branislava Jovanović, Vito Rakić, Mirko Banjac, Mara Perkanović, Desanka Rađević i Nikola Špirić.

UZDRŽAN je bio Nedžad Branković.

Predsjedavajući je konstatovao da je za prijedlog glasalo 16, a protiv prijedloga 17 poslanika, dok je jedan poslanik bio uzdržan. Prema tome, prijedlog nije usvojen.

Drugi prijedlog - Prijedlog zakona o Savjetu ministara Bosne i Hercegovine. Glasanje je obavljeno aklamacijom.

ZA prijedlog je glasalo 15 poslanika, protiv 14, a 4 poslanika su bila uzdržana. Prijedlog nije dobio potrebnu većinu prisutnih.

Treći prijedlog - Prijedlog zakona o praznicima Bosne i Hercegovine

ZA ovaj prijedlog glasalo je 14, protiv prijedloga 15, a 5 poslanika se uzdržalo. Prijedlog nije usvojen.

Četvrti prijedlog - Prijedlog zakona o izmjenama i dopunama Zakona o putnim ispravama.

ZA ovaj prijedlog glasalo je 18 od 34 prisutna poslanika, protiv je glasalo 15, a 1 poslanik je bio uzdržan. Glasajući po entitetima, iz Federacije BiH za prijedlog je glasalo 16, a iz Republike Srpske 2 poslanika.

Predsjedavajući je konstatovao da je prijedlog dobio većinu prisutnih poslanika, ali nije dobio neophodnu entitetsku većinu, pa da isti ide na usaglašavanje.

Predstavnički dom se izjasnio o prijedlogu poslanika Harisa Silajdžića, da se u dnevni red uvrsti Nacrt zakona o primjeni međunarodnih konvencija o ljudskim pravima u Bosni i Hercegovini.

ZA ovaj prijedlog glasalo je 17 od 34 prisutna poslanika, 16 je glasalo protiv, a 1 je bio uzdržan. Prema tome, prijedlog nije usvojen.

Povodom neizglasavanja prednjih prijedloga diskutovali su poslanici Branko Dokić, Sejfudin Tokić i Rasim Kadić, kao i predsjedavajući Mirko Banjac. Potom je predsjedavajući dao pauzu radi usaglašavanja prijedloga g. Tokića da se u dnevni red uvrsti Prijedlog zakona o izmjenama i dopunama Zakona o putnim ispravama.

Poslije pauze predsjedavajući je pročitao izvještaj Komisije Kolegija o nastojanju za postizanje saglasnosti o navedenom prijedlogu. Konstatovao je da saglasnost nije postignuta. Zatim je ponovo dao na glasanje usaglašavani prijedlog.

ZA prijedlog je ovom prilikom glasalo 16 od 34 prisutna poslanika, pa je predsjedavajući konstatovao da prijedlog sada nije dobio većinu prisutnih, te da nije potrebno provoditi dalje glasanje.

Zatim je predsjedavajući konstatovao da je za 15. sjednicu Predstavničkog doma Parlamentarne skupštine Bosne i Hercegovine usvojen sljedeći

D N E V N I R E D:

1. Zapisnik sa 14. sjednice Predstavničkog doma,
2. Prijedlog zakona o državnoj graničnoj službi Bosne i Hercegovine,
3. Izvještaj o provedenoj javnoj raspravi i izjašnjavanje predlagača o nacrtima:
 - a) Izbornog zakona (predlagač delegat Drago Ljubičić),
 - b) Izbornog zakona (predlagači grupa poslanika Kluba SDP-a),
4. Prijedlog odluke o organizaciji Sekretarijata Parlamentarne skupštine BiH,
5. Informacija o zakonima koje je proglasio Visoki predstavnik na privremenim osnovama i dalje aktivnosti Parlamentarne skupštine BiH,
6. Davanje saglasnosti na Sporazum između Savjeta ministara BiH i "EUROFIME" - Evropska kompanija za finansiranje željezničkog voznog parka,
7. Odgovor Centralne banke BiH na zaključke Predstavničkog doma,
8. Davanje saglasnosti za imenovanje glavnog revizora BiH i zamjenika,
9. Poslanička pitanja.

Ad - 1: Zapisnik sa 14. sjednice Predstavničkog doma

U okviru ove tačke dnevnog reda diskutovao je poslanik Nikola Špirić, ali ne u vezi sa zapisnikom već je dao primjedbu na uslove rada u sali gdje se održava sjednica Predstavničkog doma. Rekao je da je neprimjereno da novinari na koljenima pišu svoje zabilješke, da jedni imaju stolove, drugi nemaju itd. Sugerisao je da nadležni urade svoj dio posla kako bi se obezbijedili neophodni uslovi za rad poslanika, novinara i drugih koji prate rad Predstavničkog doma.

Na zapisnik sa 14. sjednice nije bilo primjedbi. Zapisnik je usvojen sa 32 glasa poslanika, a 2 su bili uzdržani.

Ad - 2: Prijedlog zakona o državnoj graničnoj službi Bosne i Hercegovine

Predsjedavajući Mirko Banjac je upoznao Dom da je u dva navrata preko Službe u Kabinetu obaviješten da na Prijedlog zakona nema ulaganja amandmana. Zamolio je predlagača da se, prije otvaranja rasprave, izjasni da li je tačno ovo obavještenje koje je dobio.

U ime predlagača odgovorio je Kasim Trnka. On je Predstavnički dom obavijestio da je Predsjedništvo BiH preuzelo ulogu predlagača i da, koliko on zna, ni iz jednog kabineta članova Predsjedništva nije upućena takva poruka. Rekao je da je saznao na Ustavnoj komisiji da je ta poruka upućena iz Kancelarije Visokog predstavnika, ali da on ne zna ništa o tome. Rekao je takođe da su predstavnici međunarodne zajednice na sjednici Predsjedništva zamolili da se zakon usvoji u tekstu koji je predložen.

Predsjedavajući je potom pozvao predstavnika OHR-a da se, ukoliko ima želju izjasni o ovoj poruci koja je, prema zabilješci, stigla iz OHR-a. Predstavnik OHR-a se nije javio za riječ.

Predsjedavajući je konstatovao da, obzirom da se predstavnik OHR-a ne izjašnjava da je ova informacija tačna, smatra da ona i ne postoji. Zatim je otvorio raspravu o Prijedlogu zakona o državnoj graničnoj službi.

Predsjedavajući Komisije o ustavnim i pravnim pitanjima, Rasim Kadić, podnio je izvještaj te komisije o razmatranju Prijedloga zakona. Replicirao mu je Mirko Banjac kao član Komisije, osporivši da je na Komisiji zauzet stav o ustavno-pravnom osnovu za Zakon o državnoj graničnoj službi kako ga je iznio predsjedavajući Komisije Kadić.

U polemikama u vezi sa ovim pitanjem učestvovali su Rasim Kadić, Miodrag Deretić, Mirko Banjac, Sejfudin Tokić, Tarik Čaršimamović, kao i g. Kasim Trnka u ime predlagača.

Na zahtjev Kluba poslanika SDP-a data je pauza u kojoj je ponovo zasjedala Komisija o ustavnim i pravnim pitanjima.

Poslije pauze predsjedavajući Komisije Rasim Kadić podnio je izvještaj Komisije o ustavnim i pravnim pitanjima, koja je, većinom glasova (5 ZA, 1 protiv i 1 uzdržan) zauzela sljedeća dva stava:

- 1) Prijedlog zakona o državnoj graničnoj službi BiH dostavljen je od strane ovlašćenog predlagača.
- 2) Komisija je prihvatila da postoji ustavni osnov za donošenje ovog zakona na način kako je Predsjedništvo to dostavilo u svom aktu (član III.5. i IV.4.a) Ustava BiH).

U diskusiji o Prijedlogu zakona učestvovali su: Bogić Bogićević, Vito Rakić, Brankio Dokić, Alma Čolo, Mirko Banjac, Tarik Čaršimamović, Miodrag Deretić, Zlatko Lagumdžija, Nikola Špirić, Haris Silajdžić, Radenka Balta, Sejfudin Tokić, Branislava Jovanović i Desanka Rađević.

Poslije diskusije predsjedavajući Mirko Banjac je konstatovao da predlagač nije u stanju da se izjasni o podnesenim amandmanima na Prijedlog zakona. Zato je raspravu o istom prekinuo.

Ovim je završen rad prvog dijela 15. sjednice Predstavničkog doma.

Drugi dio 15. sjednice održan je 29. decembra 1999. godine. Predsjedavao je prvi zamjenik predsjedavajućeg mr Pero Skopljak.

Nastavku sjednice prisustvovala su 32 poslanika, iz RS 10 a iz FBiH 22. Odsustvo su opravdali Mirko Banjac, Ivo Mijačević i Ljubomir Zovko, zbog bolesti, te Milenka Bošnjak i Hilmo Neimarlija. Odsustvovali su Ivo Lozančić, Radenka Balta, Smail Bećirbašić i Edhem Bičakčić.

Predsjedavajući Pero Skopljak je obavijestio dom da ima prijedlog OHR-a da se sa dnevnog reda skine Izvještaj o provedenoj javnoj raspravi o Nacrtu izbornog zakona zbog spriječenosti predstavniak OHR-a da prisustvuju sjednici.

U diskusiji povodom ovog prijedloga učestvovali su Sejfudin Tokić, Nikola Špirić, Branko Dokić i Vito Rakić.

Poslije diskusije predsjedavajući je, radi podsjećanja, pročitao usvojeni dnevni red za 15 sjednicu, a zatim je rad nastavljen sa 2. tačkom dnevnog reda.

Ad - 2. Prijedlog zakona o državnoj graničnoj službi BiH

Predsjedavajući je podsjetio poslanike da su na Prijedlog zakona podneseni amandani, kao i to da su poslanici dobili izjašnjenje predlagača da amandmane nije prihvatio.

U diskusiji su učestvovali: Nikola Špirić, Miodrag Deretić, Sejfudin Tokić, Vito Rakić, Ibrahim Spahić, Desanka Rađević, Branko Dokić i Mirko Baković. U ime predlagača govorio je Martin Raguž, predstavnik Kancelarije predsjedavajućeg Predsjedništva g. Ante Jelavića.

Poslije diskusije Dom se izjasnio o amandmanima poslanika Mirka Banjca i Vite Rakića koji je amandmane podnio u ime Kluba poslanika Koalicije "Sloga".

Za amandmane Mirka Banjca glasalo je 6 poslanika.

Za amandmane Kluba poslanika Koalicije "Sloga" glasalo je takođe 6 poslanika.

Predsjedavajući je konstatovao da amandmani nisu prihvaćeni.

Zatim je obavljeno glasanje o Prijedlogu zakona o državnoj graničnoj službi.

ZA Prijedlog zakona glasao je 21 poslanik, a 7 je glasalo protiv.

Glasajući po entitetima iz Federacije BiH glasalo je 19, a iz Republike Srpske 2 poslanika.

Predsjedavajući Skopljak je konstatovao da je Prijedlog zakona dobio većinu prisutnih, ali da nije dobio entitetsku većinu, te da ide na usaglašavanje.

Ad - 3: Izvještaj o provedenoj javnoj raspravi i izjašnjavanje predlagača o nacrtima:

a) Izbornog zakona (predlagač delegat Drago Ljubičić)

b) Izbornog zakona (predlagači grupa poslanika Kluba SDP-a)

Predsjedavajući je dao na glasanje prijedlog da se razmatranje ove tačke dnevnog reda odgodi zbog odsustva predstavnika OHR-a. za prijedlog je glasalo 19, a protiv 5 poslanika. Prema tome, prijedlog je usvojen.

U vezi odgađanja ove tačke diskutovali su Rasim Kadić i Sejfudin Tokić.

Rasim Kadić je, pored ostalog, rekao da ga iznenađuje pismo OHR-a ili OSCE-a kojim traže prolongiranje izjašnjavanja u vezi sa izbornim zakonom, naglasivši da se ovim smanjuje odgovornost Predstavničkog doma u pogledu mogućeg kašnjenja, te da OHR, odnosno OSCE (nije siguran ko je poslao pismo) preuzima odgovornost za posljedice koje će nastati nakon što Predstavnički dom ne iskoristi vrijeme za izjašnjavanje u vezi sa ovim zakonom.

Poslanik Tokić je, pored ostalog, naglasio da će za njega ostati nejasno šta su "trenutne okolnosti" zbog kojih se traži prolongiranje razmatranja ove tačke dnevnog reda.

Ad - 4: Prijedlog odluke o organizaciji Sekretarijata Parlamentarne skupštine BiH

U diskusiji su učestvovali Nikola Špirić, Mustaf Pamuk, Suada Muminagić, Halid Genjac, Mara Perkanović, Ivo Divković, Branko Dokić, Desanka Rađević, Ana Havel i Vito Rakić.

Poslije diskusije predsjedavajući je predložio da se odlučivanje o Odluci odloži da bi Kolegij zauzeo stav o primjedbama i prijedlozima iznesenim u diskusiji.

Ad - 5: Informacija o zakonima koje je proglasio Visoki predstavnik na privremenim osnovama i dalje aktivnosti Parlamentarne skupštine BiH

Povodom ove tačke diskutovali su Adnan Jahić i Branko Dokić.

Predstavnički Dom je, na prijedlog poslanika Dokića, usvojio zaključak, da se zadužuje Kolegij da sa Službom za jednu od narednih sjednica, a najkasnije do kraja prvog kvartala 2000. godine, pripremi zakone koje je donio Visoki predstavnik na privremenoj osnovi, u smislu da se istakne šta je usaglašeno i zbog čega zakon (svaki pojedinačno) nije dobio potrebnu većinu, što bi predstavljalo osnovu za kvalitetnu raspravu i eventualno usvajanje zakona u Predstavničkom domu.

Prednji zaključak je usvojen sa 20 od 28 prisutnih poslanika.

Ad - 6: Davanje saglasnosti na Sporazum između Savjeta ministara BiH i "EUROFIME" - Evropska komisija za finansiranje željezničkog voznog parka

Povodom ove tačke dnevnog reda diskutovala je poslanik Suada Muminagić.

Sa 26 glasova ZA (prisutno 28) Predstavnički dom je usvojio Odluku o davanju saglasnosti za ratifikaciju Sporazuma između Savjeta ministara BiH i "EUROFIME" - Evropska komisija za finansiranje željezničkog voznog parka.

Ad - 7: Odgovor Centralne banke BiH na Zaključke Predstavničkog doma

Predsjedavajući je konstatovao da se može voditi rasprava o ovoj tački dnevnog reda na osnovu Odgovora Centralne banke kojeg su poslanici dobili, iako nije prisutan predstavnik Centralne banke koji je urendo pozvan na sjednicu.

U diskusiji su učestvovali poslanici Suada Muminagić, Nikola Špirić i Halid Genjac.

Poslije diskusije predsjedavajući je dao na glasanje tri zaključka koje su u diskusijama predložili poslanici Suada Muminagić, Nikola Špirić i Halid Genjac.

Prijedlog zaključka koji je u ime Kluba poslanika SDP-a predložila g. Suada Muminagić glasi:

Predstavnički dom Parlamentarne skupštine Bosne i Hercegovine traži od nadležnih organa BiH informaciju o sljedećem:

1. Kako je nastalo zaduženje Bosne i Hercegovine kod Narodne banke? Koje tijelo je donosilo odluke o zaduženju, kao i ko je u Narodnoj banci odobravao ove zajmove, u kom iznosu i pod kojim uslovima?

2. Da li su ovi zajmovi bili uključeni u budžetske prihode, za koju godinu ili godine?

3. Za koje namjene su ovi zajmovi korišteni i po čijim odlukama?

4. Je li ostvarena kontrola utroška ovih sredstava i šta je pokazala?

5. Na koga je po prestanku rada Vlade Bosne i Hercegovine prenesena obaveza vraćanja ovih zajmova ili pozajmica?

6. Koji organ je usvojio plan otplate nepokrivenih depozita u narodnoj banci Bosne i Hercegovine i po kojim kriterijima?

Zaključak je usvojen sa 19 od 30 prisutnih poslanika. Dobio je i entitetsku većinu.

Prijedlog zaključka poslanika Špirića glasi:

Od Predsjedništva Bosne i Hercegovine se traži decidna informacija o finansijskom gepu vezanom za likvidaciju Narodne banke Bosne i Hercegovine, kao i to da li je u postupku likvidacije narodne banke BiH bilo kriminala u smislu odobravanja raznih pozajmica za koje Centralna banka BiH tvrdi da su nenaplative.

Za ovaj prijedlog zaključka glasao je 17 poslanika, što znači da je dobio većinu prisutnih.

Prilikom glasanja po entitetima iz FBiH glasalo je 9 poslanika, što nije potrebna entitetska većina. Predsjedavajući je konstatovao da prijedlog zaključka ide na usaglašavanje.

Prijedlog zaključka poslanika Genjca glasi:

Predstavnički dom zahatijeva od Centralne banke Bosne i Hercegovine informaciju, ko je odgovoran za prethodnu netačnu informaciju koju je dala Centralna banka u odgovoru na zaključak Predstavničkog doma i šta će se preduzeti da se to sankcioniše.

Za ovaj prijedlog glasalo je 25 poslanika. Glasajući po entitetima, iz Federacije BiH 12, iz RS 2. Prema tome, ni ovaj prijedlog nije dobio entitetsku većinu, pa ide na usaglašavanje.

Ad - 8: Davanje sdaglasnsoti na imenovanje glavnog revizora BiH i zamjenika

Predsjedavajući je konstatovao da je na prošloj sjednici bilo primjedbi na prijedlog pojedinih kandidata.

Poslanik Nikola Špirić je u diskusiji, pored ostalog, naglasio da je od Presjednitšva zatraženo da dostavi dopunske informacije o stručnosti i iskustvu predloženih kandidata s obzirom na važnost funkcija na koje se predlažu, ali da dodatni materijal poslanici nisu dobili. Usprotivio se da se o predloženim kandidatima glasa u paketu.

Predsjedavajući Pero Skopljak dao je na glasanje prijedlog svakog kandidata pojedinačno.

ZA prijedlog da se g. Ivan Miletić imenuje za glavnog revizora BiH glasalo je 16 od 29 prisutnih poslanika, što predstavlja većinu prisutnih.

Glasajući po entitetima iz Federacije BiH za g. Miletića glasalo je 12 poslanika, a iz Republike Srpske 3. Presdjedavajući je konstatovao da ovaj prijedlooog nije dobio entitetsku većinu i da ide na usaglašavanje.

Prijedlog da se g. Samir Mušović imenuje za zamjenika glavnog revizora, dobio je većinu prisutnih - za je glasalo 17 poslanika. Međutim, ni ovaj prijedlog nije dobio entitetsku većinu, jer su iz RS glasala 3 poslanika. Iz FBiH glasalo je 14. Predsjedavajući je konstatovao da i ovaj prijedlog ide na usaglašavanje.

Kandidat za drugog zamjenika glavnog revizora. g. Dragan Kulina takođe nije dobio neophodnu entitetsku većinu, pa je predsjedavajući konstatovao da i ovaj prijedlog ide na usaglašavanje.

Ad - 9: Poslanička pitanja

Poslanička pitanja su postavili poslanici:

Ivo Divković:

Šta će ministar inostranih poslova i njegovi zamjenici preduzeti prema diplomatsko-konzularnim predstavništvima u zemljama u kojima je, prema navodima izborne podkomisije

OSCE-a, došlo do malverzacija u procesu registracije birača za naredne izbore u Bosni i Hercegovini?

Rasim Kadić:

Da li postoji neki srećnik od članova Parlamenta koji je dobio odgovor na već postavljeno pitanje?

Branko Dokić:

Ko je imao pravo da mimo Predsjedništva Bosne i Hercegovine donese odluku da se Bosna i Hercegovina pridruži zahtjevu nekih zemalja za osporavanje prisustva Savezne Republike Jugoslavije u Ujedinjenim nacijama. A ako nije imao pravo, šta će Predsjedništvo Bosne i Hercegovine preduzeti u daljim koracima?

Poslanik Dokić je izrazio protest što još nije dobio odgovor na pitanje postavljeno još prije 2-3 mjeseca u vezi popunjenosti diplomatsko-konzularnih predstavništava, o strukturi istih i o kriterijima i procesu za popunjavanje.

Adnan Jahić:

Da li je i u kojoj mjeri Bosna i Hercegovina prisutna u realizaciji odnosno u toku implementacije ciljeva pakta za stabilnost u Jugoistočnoj Evropi nakon Samita u Sarajevu i eventualno, ukoliko jeste, ko je taj ko koordinira te aktivnosti?

Ibrahim Spahić:

1. Zahtijeva da Savjet ministara odnosno nadležno ministarstvo, kao i Predsjedništvo BiH, na prvoj januarskoj sjednici Parlamentu predoči ulogu koju Bosna i Hercegovina ima kao domaćin jednog od radnih stolova Pakta za stabilnost.

2. Koliko se, zaključno sa 1999. godinom, vratilo ljudi svojim kućama na teritoriji BiH i koliko je odliv, posebno stručnih mladih kadrova, iz Bosne i Hercegovine, koliko je otišlo u svijet u 1999. godini.

3. Zahtijeva da nadležno tijelo izađe pred Parlament sa jasnim projektom i programom kako će se do aprila mjeseca realizovati proces vezano za prijem Bosne i Hercegovine u Savjet Evrope.

4. Traži da ministar za trgovinu i ekonomske odnose kaže gdje je prepreka u Savjetu ministara da se dođe do ekonomske strategije i programa socijalne politike u nadležnosti institucija Bosne i Hercegovine.

5. Na koji način će Kolegij Predstavničkog doma procesuirati inicijativu datu od poslanika Spahića i Kadića u okviru poslaničkih prava i dužnosti, vezano za usklađivanje ustava entiteta sa Ustavom Bosne i Hercegovine.

Sejfudin Tokić:

Traži da Ministarstvo inostranih poslova da informaciju u kojim predstavništvima i ko je to sebi dao za pravo da zloupotrijebi profesionalnu dužnost da bi se bavio dnevno-politički aktivnostima i ko to pravi spregu između određenih političkih stranaka i diplomatsko-konzularnih predstavništava?

Mara Perkanović:

1. Da li postoje zvanične odluke da se pripadnicima srpske nacionalnosti ne upisuju kamate na staru deviznu štednju ili se radi o ponašanjima pojedinaca? Zbog čega se to čini i ko je za to odgovoran?

2.. Da li je moguće u Banjoj Luci otvoriti kancelariju diplomatsko-konzularnih predstavništava određenih zemalja kako ljudi iz tog dijela ne bi morali dolaziti u Sarajevo i po više puta radi dobijanja određenih papira?

Miodrag Deretić:

Ponovo je postaivo pitanja koja je postavio ranije, a nije dobio odgovore:

1. Kada će se po Dejtonskom sporazumu Republici Srpskoj namiriti 250 kvadratnih kilometara teritorije kako bi se ispunio bonus od 49%? (Pitanje uputio Kancelariji Visokog predstavnika)

2. Da li g. Robert Farand može svojim odlukama mijenjati međuentitetsku liniju na području Opštine Brčko i da li svoja ovlaštenja može proširiti izvan teritorije Opštine Brčko?

Zlatko Lagumdžija:

Da li je komunicirano sa entitetskim vladama u vezi ekonomske politike? Da li im je data neka vrsta projektnog zadatka, da li se njihova aktivnost uklapa u aktivnost Ministarstva za spoljnu trgovinu i ekonomske odnose?

U okviru ove tačke ministar Mirsad Kurotović je usmeno odgovorio na pitanje g. Ibrahima Spahića vezano za ekonomsku i socijalnu politiku. Zamjenik minsitra inostranih poslova Dragan Božanić je odgovorio na pitanje poslanika Mare Perkanović vezano za usluge diplomatsko-konzularnih predstavništava stranih zemalja.

Diskutovali su Zlatko Lagumdžija, Haris Silajdžić, Branko Dokić, Sejfudin Tokić

Poslije diskusije predsjedavajući Pero Skopljak zaključio je rad 15. sjednice.

Sastavni dio ovog zapisnika je magnetogram 15. sjednice Prdstavničkog doma Parlamentarne skupštine Bosne i Hercegovine.

PREDSJEDAVAJUĆI
Mr Pero Skopljak